

DEO OPTIMO MAXIMO, VNI ET TRINO, VIRGINI DEIPARÆ, ET S. LVCÆ, ORTHODOX. MEDICORVM PATRONO:

QVÆSTIO MEDICA.

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS, XXII. DECEMBRIS,
M. PETRO PERREA V, Doctore Medico, Moderatore.

1001.

An à sterilitate tarda Senectus?

VIVACITATIS nostræ solus arbiter innatus calor, dum lentius aut ocyus humidum depascitur, submouet vel corripit fati gradum, sed tam lubrico & præcipiti retardatur sufflamine, vt sibi constare non possit nisi ad interitum deuoluatur pabuli sui consumptione. Fabulosum quominuscitur Prometheum hunc quisquis è cælo ducit, ab elementis nasci vitæ nostræ principia nimium arguit illorum dominatus, cuius tyrannidem dum sublunare nihil fugit, ea sola in longum æuum eludunt, quorum copiosum humidum, θερμὸν & λιπαρὸν, ab aduerso sibi frigore securum, citum marcorem non metuit: Hinc plantæ in mortalitatis ludibrium educatæ videantur, dum sanguinea animalia ob caloris edacitatem noui alimenti indefinenter egeant, quo perfectiorem plantis vitam agunt, eo & breuiorem: solus homo quali operi suo inuidente natura, cætera viuientia morborum fecunditate superat, vnde causarii non pauci, quibus inculcata principia longævitatē pollicentur. Hanc ex corporis proceritate ominari, quā sapius obruitur vitam fulcitur, error est: Inane & vanum ab arctatis propius dentibus, aut ductis longius in manu sine scissura lineis sperare. Quamcumque fors obrulerit vitæ metam ruto decurres, si ad labores impiger, victum non exlege, feminis effusione viuificum spiritum non depauperes. Ergini canos accersunt qui nephalia spernendo Veneri & desidia litant.

INCVL PATA natalia μὴ ἀφ' ἡλικίας, cum adhuc anima sui ignara in rudi semine infunditur, Veneris inimicitias fouent dum illius stimulos subtrahunt. Perfecta natura hoc tantum appetit quod potest assimilare, nec sanguine superfluo luxuriat ad feminis generationem: hinc nec Cypridem aliam quàm τριῖς colit, quæ quia virgo etiam innocua est, cum aliæ sint libicinx omnes; πολὺ αἷμα vitæ breuioris, ipsi mares à sequiori sexu longævitate superantur si ipsum salacitate superent. Nec tantum cadaua principia sequitur effræne coeundi cæstrum, sed & efficit: nascituris tantum prodest non natis, & dum quisquam ex sapientis mente nisi imbecillior ab hoc refurgit, palam amicam venerem testatur, clam inimicam: dum enim niucis laticibus tepidus ros effluit triplici spiritu turgidulus, humore primigenio exsiccat, fatiscit natiuus calor, vis omnis labat, solutus corrui vnuerfi corporis tonus, & sæuiente præsertim in cerebrum labe, oculi viuido suo nitore amisso luagentes & luridi hebescent: adeo neruosi generis inimica venus est, vt brevis epilepsia senibus mortem: quid plura? si te non totum Chloridos herba tenet, à fabis abstinet, & omni cibario ὁκνησὶς ἀποβιβάται.

INGENS est naturæ beneficium sterilitas, quæ dum infida speciei inuidet, vnicuique vitilis est, præsertim cum mares ἀσθενεῖς, vt Scytharum eunuchi, & feminæ ἀρρενοποιὶ seminali effluxu carent: Ideo mulus parentibus longævior quia sibi tantum natus est, nec diuturniores plantæ quæ restibili fecunditate gloriantur, nec quibus coloni cura fertilitatem adiicit, fertilitas enim senectam: quin earum quamplurimæ protinus moriuntur, cælo fecunditatem omnem eblandito. Multorum tamen morborum soboles est sterilitas, insaultum remedii genus, sed ne tunc quidem sterile, quippe fatiscientes vires fecunditate cito lapsuras sustinet: Temperamentorum dissimilitudo verius ἀνελὺς efficit quam sterilitatem, quæ ne tunc quidem feminis ingrata est; vt fecunditatis incentiua voluptas est, ita & sine ea conceptio fieri nequit, odium sæpissime irrita reddit connubia, tum qui negantibus fulcis femina credidit eluditur veneris fide; ipse amor dum sui impotens est ventura prole parentes frustratur, sed his retardatur fecunditas, nec tamen inducitur sterilitas, quam ἀνελύων amuletis, numeris, aut carminibus, metuere tam vanum est, quam ex lactucarum marcore ab vrinæ aspersione augurari, nec tamen irritus semper ad illius explorationem croci litus aut aromatum suffitus.

EVNVCHOS natura & ars facit, dum testes vel negat, vel tollit; vtrosque propinato Amfiam frustra ad generationem stimules, non irritato tamen languentis veneris irritamento, qua spathalocinædi nec sine voluptate defunguntur, nec sine noxa; nec enim leuiter se conficiunt Deliaci illi manu rescissi in fecunda effusione. Miserum hominum genus qui quibuscumque morbis obnoxii etiam inuita natura sua, in podagram & arthritidem cæteris sunt procliuiiores, sed fortunati eunuchi si ad sapientiam vel ex ipso nomine moniti naturam suam sequantur ducem, maiores & venustiores omnes qui tenera ætate euiantur, facili in animalibus fere omnibus exemplo; iuuenilis corporis habitus, vox blande canora nec raucum resonans; adeo in morbos sunt obfirmati, vt tetram mephitim è Syriæ venenatis specubus exhalantem soli innoxie hauriant, nequidem in decrepita ætate caluitium metuant, non ideo canities securi; animus ipsis nullis voluptatum illecebris fractus, an & inde fortitudo & constantia amicitia tenax? Itavt eorum liberi exitus, dubiam historie fidem reddant: adeo iniurius es quisquis hos naturæ monstra indigitas.

EVNVCHISMOS raro mulieribus contingit, sæpius ἀφελία, quæ eo acceptior quo illis sæuier est fecunditas; demas enim quæ illam tamquam inquilini sequuntur θρόμβωσιν, immane distendentem ἀπαργάσιν, superfætationem soli mulieri infensam, molam & monstrum ad totius naturæ stuporem etiam homini non insolens; adhuc matri perniciofa est vt særui consulat, vt pullulet vtriusque parentis exuium illud, totum grauidæ corpus nectare viuifico defraudatur; vt carcere effracto crudele pondus exeat, tam effensis cruciatibus diuellitur, vt mors inter solatia huius laniæ expedetur; felix sterilium intemperies, quæ partuum carnificinæ non est obnoxia, optanda vteri conformatio quæ conceptum ardet discrimina, paucis morbofa quod inassuetus aphrodisiis aqualiculus erumpentibus mensuris segnius cedat, tormina cieat momentanea, & leues strangurias, quæ vis vteri expultrix nullo lassata partu cito edomet, nullis non vilis quæ à voraci pica, & malacia, ab ingrata nausea & cardiogmo, à bilis amara regurgitatione, nusquam inducias dante cephalæa, & innumeris à lochiorum segnine & refluxu morbis mulieres vindicat.

Ergo à sterilitate tarda Senectus.



Proponebat Lutetiæ FRANCISCVS LOPES, Burdigalensis, A.R.S.H. 1650.

DOMINI DOCTORES DISPVATVRI.

M. Rolandus Merlet.
M. Stephanus le Gagneur.
M. Petrus Bourdelot.

M. Quintinus Theuenin.
M. Carolus le Breton.
M. Claudius Perrault.

M. Bartholomæus Barali, Med. Reg.
M. Carolus le Clerc.
M. Ioannes Bourgeois.